

大明會典

大明會典卷之一百十二

禮部七十

給賜三

外夷下

西域哈密永樂四年賜忠順王紵絲六十疋絹
二十一十四疋祖母每妃各紵絲六疋絹六疋
嬪母紵絲四疋絹四疋六年賜王紵絲五十疋
絹二十疋織金紵絲衣三套皂鹿皮靴二雙璽
鞞二雙祖母母并妃各綵段六表裏成化三年
故忠順王外孫為都督賜銅印并織金衣一套
八年其都督赴京襲職除馬駝給價外加賞綵

段一表裏絹一疋。織金紵絲衣一套并靴。各一雙。進貢到京使臣分五等。一等綵段五表裏絹四疋。二等四表裏絹三疋。三等三表裏絹二疋。四等二表裏絹一疋。布一疋。五等一表裏絹一疋。俱紵絲衣一套靴。各一雙。存留甘州男女人等有進貢者。照五等例賞。無者每人絹布各一疋。奏事到京使臣不分等第。每人綵段二表裏絹一疋。紵絲衣一套靴。各一雙。十二年奏准。寄住苦峪城使臣賞例。仍分五等。比前表裏絹各減其一。不與衣服靴。存留甘州有進

貢者照前五等例無者與絹一疋嘉靖四十三年到京正使從人名色照四等例賞隆慶五年照五等例賞寄住甘州有進貢者俱與綵段一表裏不與衣服靴襪○回賜大馬每匹綵段四表裏達馬不分等第每匹二表裏駝每隻四表裏駝羔每隻紵絲一疋絹二疋倒死駝絹六疋折鈔絹一疋鎖服每段絹六疋金剛鑽上等每顆絹四疋成化十年金剛鑽二等每顆絹二疋三等每顆絹一疋四等每二顆絹一疋五等每顆布一疋番砂水晶石不與價弘治三年奏定

價例。玉石。每斤絹一疋。夾玉石。四斤絹一疋。速

來。蜜石。二斤絹一疋。青金石。一斤絹一疋。把咱

石。十斤絹一疋。螺子石。六塊絹一疋。松都魯石

即水。舊例。每斤鈔十五貫。正統四年。添作一百

貫。每二百貫折絹二疋。石頭靶。八箇。礮砂。八斤

各絹一疋。魚牙靶。小刀。每把絹二疋。鑲鐵大刀

每把絹五疋。拐棍刀。每把絹五疋。兩刃劍。每把

絹八疋。鑲鐵銼。一把。鑲鐵鏡。一面。各絹二疋。鑲

鐵。二斤。絹一疋。撒哈刺馬黑。每段各絹九疋。

刀。紬。舊名黃馬。每段絹一疋。馬服。即布。每二

海牙兒

夏布

段絹一疋。虎力麻五疋。絹二疋。藍花手巾二條。

絹一疋。枓馥蘭每斤絹四疋。硝子阿思馬亦一

箇。絹一疋。硝子遮眼。舊名三箇。絹一疋。蛤蚧四

箇。絹二疋。梧桐醮十斤。雌黃十五斤。各絹一疋。

蛇角二枝。一表裏。羚羊角四斤。絹一疋。豹皮。即

列孫二張。綵段一表裏。金線豹皮一張。一表裏。

獅子皮一張。二表裏。哈刺虎刺皮一張。一表裏。

鐵角皮二條。絹一疋。銀鼠皮六箇。貂鼠皮三箇。

青鼠皮二十箇。白兔皮三箇。白狐皮一張。駝皮

獺皮每一箇。各絹一疋。牝馬尺。即羊五張。絹二

疋。卜刺硃兒皮。

即牛皮

四張絹一疋。哈刺卜花二

十張絹一疋。樺皮方一張絹八疋。回回木梳。網

者六箇絹一疋。粗者十箇絹一疋。珊瑚珠。正統

中。每十四兩絹四疋。今每兩絹二疋。鎖鎖葡萄

每斤絹一疋。使臣自進中等馬。每匹紵絲一疋。

絹八疋。折鈔絹二疋。下等馬。每匹紵絲一疋。絹

七疋。折鈔絹一疋。新生馬駒。中途倒死馬。每匹

絹三疋。駝。每隻三表裏絹四疋。帶進西馬。每匹

五表裏。阿魯骨馬。每匹六表裏。○求討。正統四

年。忠順王奏討與紵絲四表裏。天順四年。王母

差來使臣領去厚榜紙中夾紙各三百張。心紅
三斤。金箔一百帖。胡椒華荖各十斤。桐油十斤。
白礬十斤。丁香乳香檀香各三斤。良薑桂皮各
五斤。細茶三十斤。洗面銅盆一箇。成化十二年。
苦峪城使臣奏討加絹一疋。十三年。又准加折
衣絹一疋。十五年。再加絹一疋。○使臣進貢到
京者。每人許買食茶五十斤。青花瓷器五十副。
銅錫湯瓶五箇。各色紗羅綾段各十五疋。絹三
十疋。三梭綿布夏布各三十疋。綿花三十斤。花
毯二條。紙馬三百張。顏料五斤。果品沙糖乾薑

各三十斤。藥餌三十斤。烏梅三十斤。皂白礬十斤。不許過多。就館中開市五日。除違禁之物。并鞍轡刀箭外。其餘疋紗羅等項。不係黃紫顏色。龍鳳花樣者。許官民各色鋪行人等。持貨入館。兩平交易。該城兵馬司差人。密切關防。及令通事管束。毋得縱容鋪戶夷人。在外私自交易。如有將違禁等物。及通事人等故違者。許各該委官體察通行拏問。後又奏准。未領賞前開市二日。領賞後開市三日。其奏討沿途收買牛羊鐵鍋犁鐮者。聽於臨洮府蘭州地方。與軍民兩

平收買不許過多。仍令伴送人員及所在官司防範。不許將熟鐵兵器夾賣。及因而生事擾人。哈烈等三十八國及天方國日落國各賞例與哈密同。

安定衛洪武七年安定王來朝貢。賜織金文綺四疋。其貢賜賞例。到京國師綵段四表裏絹二疋。紵絲僧衣一套。舍人并使臣每人二表裏紵絲衣一套。僧人每人一表裏紵絲番僧衣一套。靴襪各一雙。○回賜自進并帶進駝每隻綵段三表裏絹四疋。馬每匹二表裏。○襲封洪武八

年賜嗣王

勅書誥命各一道織金紵絲衣一套綵段六表裏
諭祭已故王祭文一道降香一炷新鈔一千貫禮
部差通事一員送請封人至西寧衛交割本衛
差頭目一員齋封物同原來人前去本地授封
別差頭目一員齋祭物另辦齋糧五十石麻布
五十疋食茶二百斤量帶軍士同去行祭

罕東赤斤蒙古水樂二年賞賜差來都指揮指
揮綵段三表裏織金紵絲衣一套靴襪各一雙
十百戶鎮撫綵段二表裏舍舍一表裏俱與素

紵絲衣一套靴襪各一雙存留甘州男婦有進
貢者絲段一表裏生絹一疋無者生絹一疋布
一疋○回賜帶進駝每隻絲段四表裏中等馬
每匹二表裏下等馬每匹紵絲一疋生絹四疋
自進中等馬每匹紵絲一疋生絹八疋下等馬
每匹紵絲一疋生絹四疋

土魯番使臣到京并存留賞賜自進并帶進駝
馬等物回賜及賣買俱照哈密例嘉靖二年瑪
瑙數珠一串與絹四疋紅絹道布一疋絹六疋
鞍子一面絹四疋撒袋一副絹二疋其鑲鐵銕

多不真正。每貢不過百把。每二把與絹一疋。三十三年進貢。回回青三百三十一斤八兩。會估每斤與銀二兩。三十八年題准。五地面自進并帶進過各番王頭目馬匹。阿刺骨上等每匹綵段六表裏。中等每匹綵段三表裏。下等每匹綵段一表裏。達馬中等每匹紵絲一疋。絹八疋。折鈔絹二疋。下等每匹紵絲一疋。絹七疋。折鈔絹一疋。上等達馬原無賞例。比照中等達馬賞例。外每匹量加生絹一疋。四十二年進獅子每隻。綵段八表裏。○各地面夷使除正進方物給賞。

外其隨身帶有刀銼等物。邊官不能阻回。要行復進者。嘉靖十六年題准。禮部驗揀堪用者。量與進收。裁減賞例。每小刀一把。止與絹一疋。銼十把。內五把賞絹二疋。五把折鈔八十貫。各色漿水玉。每一斤八兩與絹一疋。其或所進方物。原無賞例者。本部行取。宛大二縣鋪行。驗估價值。斟酌給賞。○各地面夷使求討織金段子等物。正德十六年題准。該邊鎮巡等官轉奏題請。於每名下量點一二給與。若夷人到京自行奏討。不由鎮巡官轉奏者。不行。

撒馬兒罕。洪武間進貢各賞銀并紵絲表裏衣服等物。正統以前賞例優厚。成化間定。王紵絲十五疋。羅三疋。紗三十疋。熟絹十五疋。白氎絲十疋。白將樂布十疋。洗白布五十疋。紵絲帽一頂。硃紅漆戩金碗八箇。王妻紵絲八疋。羅二疋。紗二疋。熟絹八疋。白氎絲五疋。白將樂布五疋。洗白布二十疋。到京使臣并存留甘州男婦俱分別等第。照哈密賞例。○回賜。正統四年。金線豹一隻。絲段八表裏。西馬每匹五表裏。折鈔絹十疋。獅子皮一張。二表裏。金線豹皮每張一表

裏。成化十九年。進獅子二隻。每隻比金線豹劍加綵段五表裏。弘治三年。獅子一隻。綵段八表裏。正副使并送養人。止正賞無加賞。王止與回賜。無特賜。正德三年。貢水晶碗一箇。估值銀八兩。令給絹與之。每絹一疋作銀一兩四錢。嘉靖二年。議定。上等玉石每斤絹三疋。中等每斤絹二疋。下等每斤絹一疋。

魯迷嘉靖五年。賞例與撒馬兒罕同。

西番烏思藏。洪武永樂以來。給賜不等。復定刺麻番僧人等。從四川起送來者。到京每人綵段

一表裏紵絲衣一套俱本色。留邊賞同。其綵段
一表裏。折闊生絹四疋。紵絲衣一套內二件給
本色衣。一件折生絹三疋。俱賞鈔五十錠。折靴
襪鈔五十錠。食茶六十斤。從洮河州起送來者
到京每人折衣綵段一表裏。後加表裏紵絲并綾
貼裏衣二件。留邊賞同。其綵段一表裏折生絹
四疋。俱食茶五十斤。靴襪鈔五十錠。進過給軍
中等馬。每匹紵絲一疋。鈔三百錠。氍毹等物。例
不給價。帶進方物。回賜綵段四表裏。○凡各番
違例多差人數。每人減絹二疋。或一疋。或三疋。

或減綾貼裏衣。正德以後。二法王違例進貢多至千人。並從減賞。到京者綵段一表裏。留邊者絹三疋。○嘉靖六年題准。烏思藏長河西朵甘思董卜韓胡金川雜谷達思蠻加渴瓦寺松潘洮岷等處番人。番僧正賞折衣綵段俱與一疋折給。有進馬者。計馬數與折。○賜封禮部行吏部請給。

誥命。

內府各衙門關造錦二段。紵絲十表裏。絮袈裟僧衣一套。高頂僧帽一頂。水晶數珠一串。響鈸二副。

鈴杵二副。白瓷茶鍾二箇。滿荅刺一箇。連帶鸞帶一條。靴襪各一雙。食茶一百斤。檀香一炷。請勅令大慈恩寺推刺麻二人。為正副使。帶領刺麻十名。同原來請封刺麻。齎奉前去番地授封。差通事一員。伴送至四川布政司交割。從黎州或天全出境。差去正副使每人賞鈔八十錠。刺麻六十錠。俱與番僧衣一套。靴襪各一雙。贊善王授封從陝西洮州出境。闡化等三王從四川出境。成化五年。授封闡化輔教二王。差去正使人等。自帶買路物件。食茶二萬五千斤。紵絲三百。

疋羅一百疋絹一千疋青紅布二千五百疋金
箔一萬貼胡椒一百斤十六年賞授封闡化王
回還刺麻覺義等三十員名正使禪師覺義每
人鈔八十錠絲段三表裏絹二疋副使都綱鈔
六十錠二表裏差去刺麻每名鈔四十錠一表
裏俱與紵絲番僧衣一套靴襪各一雙帶去徒
衆每人鈔二十錠一表裏進過氍毹等物不給
價

長河西正統初賞賜宣慰司自來進貢者宣慰
使鈔一百五十錠絲段四表裏指揮僉事鈔一

百錠綵段二表裏俱紵絲衣一套靴襪各一雙
襲職進貢賞同國師并國師姪男進貢到京者
照宣慰使例都綱刺麻番僧人等進貢到京者
每人鈔五十錠綵段一表裏紵絲番僧衣一套
靴襪各一雙食茶六十斤留還賞同五年刺麻
番僧進馬到京每人鈔五十錠綵段一表裏折
衣綵段二表裏靴襪各一雙仍加賞折衣綵段
進貢番僧例每人賞鈔五十錠綵段一表裏折
衣綵段二表裏靴襪各一雙仍加賞折衣綵段

一表裏。景泰四年。每人鈔五十錠。綵段一表裏。不與衣服靴襪。天順元年。照舊給賞。三年。尊勝寺國師護印帶進舍利等物。照先年烏思藏地方都指揮使等事例。量給綵段二表裏。成化初。番僧人等到京。每人闊生絹二疋。鈔五十錠。折靴襪鈔五十錠。折衣服綵段二表裏。留邊賞同。其折衣服綵段內。一表裏折闊生絹四疋。氍毹等物。例不給價。帶進國師方物。給賜綵段二表裏。十二年。番人番僧九百名來貢。以無勘合到京。并留邊者。每人俱減絹二疋。弘治二年。留邊者減

三疋○貢回市茶弘治十四年題准。刺思岡墓
勝等寺寨到京番僧每人許買食茶二百斤。嘉
靖二十二年題准。如董卜韓胡例。

朵甘思天順七年宣慰使進貢到京賞鈔一百
五十錠。綵段四表裏紵絲衣一套靴襪各一雙。
其貢使賞例。禪師番僧人等到京每人賞鈔五
十錠。綵段一表裏紵絲衣一套。留邊每人鈔五
十錠。折表裏闊生絹四疋。紵絲衣一套。內二件
給本色衣一件。折闊生絹三疋。俱與折靴襪鈔
五十錠。食茶六十斤。毯毼等物例不給價。指揮

僉事例加絹四疋。國師比禪師加絹二疋。新招
撫來貢者到京每人鈔五十錠。絹二疋。折衣綵
段二表裏。留邊每人鈔五十錠。絹二疋。折衣綵
段一表裏。闊生絹四疋。各折靴襪鈔五十錠。方
物俱不給價。弘治十七年。以人數過多。惟進貢
及已賞未襲職。再來到京者。全賞其留邊者。每
人減絹二疋。

董卜韓胡差來國師禪師都綱道官刺麻番僧
頭目寨官人等到京。每人綵段一表裏。留邊每
人折表裏闊生絹四疋。俱與折鈔。絹二疋。靴襪

鈔五十錠。番僧每人紵絲綾貼裏僧不一套。頭目人等每人紵絲綾貼裏俗衣一套。氍毹等物例不給價。○回賜上官綵段十表裏。裏綵段四表裏。嘉靖二年以差來人數過多。惟正額到京者全賞。其留邊應給折鈔絹二疋。令與絹一疋。鈔十錠。三年減原給折表裏絹三疋。○貢回市茶嘉靖八年題准。到京并留邊番僧每人許自買食茶一百斤。行移右府出給勘合填寫人數。茶斤仍行湖廣布政司著落該府許令照數收買。自雇船隻載回。沿途關隘驗放出境。如有夾

帶就彼盤驗入官

加渴瓦等寺刺麻番僧頭目寨首到京每人綵
段一表裏折衣二表裏留邊賞同折衣每一表
裏與絹四疋俱賞鈔六十錠折靴襪鈔五十錠
氍毹等物不給價

金川寺進貢刺麻番僧到京每人賞綵段一表
裏折衣綵段二表裏留邊每人綵段一表裏其
折衣綵段二表裏內一表裏折生絹四疋一表
裏折食茶一百斤俱與鈔六十錠折靴襪鈔五
十錠氍毹等物不給價弘治十七年以人數過

多。惟年例進貢及襲職到京者全賞。其留邊應給折衣絹每人減三疋。

雜谷安撫司與金川寺例同。弘治十七年留邊每人減折衣絹二疋。嘉靖六年照舊給賞。每人量加食茶二十五斤。其所屬上草坡克州等寺寨嘉靖六年題准留邊番僧每人減絹三疋加食茶二十五斤。

打喇兒寨番僧到京每人綵段一表裏內一疋給價銀三兩。折衣綵段二表裏與本色留邊每人綵段一表裏內一疋如前給價。折衣綵段二

表裏每一表裏折給闊生絹四疋共八疋俱賞鈔六十錠折靴襪鈔五十錠方物例不給價達思蠻長官司正統中進貢到京并留邊番僧人等每人鈔四十錠絲段一表裏折衣二表裏靴襪各一雙弘治二年照前賞例各減折衣一表裏留邊折衣與生絹四疋靴襪俱折鈔十錠長寧及韓胡硯由松潘起送番僧賞例與達思蠻同其松潘茂州等處進貢到京馬每匹賞鈔一百錠鐵甲氍毹等物不給價

陝西洮岷等處番僧到京并存留每人賞折衣

綵段一表裏折靴襪鈔五十錠。馬每匹紵絲一疋。鈔三百錠。上等馬加絹一疋。駝每隻綵段三表裏絹四疋。內瞿曇寺到京禪師加番僧衣一套。不由所在官司給文起送。私自來京謝

恩等項進貢者止給馬駝價不賞。嘉靖十七年。慧濟扯巴寺番僧進貢到京八名。每名綵段一表裏折衣綵段一表裏。留邊七名。每名折衣綵段一表裏。折與闊生絹四疋。俱各與綾貼裏衣二件。靴襪鈔五十錠。食茶五十斤。進過馬每匹紵絲一疋。鈔三百錠。方物例不給賞。二十七年。劉京

并留邊。加至一百八十七名。以人數過多。議將到京十五名。照例給賞。留邊六十七名。照洮州番僧例。每人賞折衣綵段一表裏。折靴襪鈔五十錠。食茶五十斤。其新增一百五名。每名給與闊生絹二疋。食茶四十斤。進過馬匹。照前給賞。經談起送官員。以違例參治。

洮岷等處番族到京。并存留番人。每人賞綵段二表裏。絹二疋。鈔二十錠。折靴襪鈔五十錠。進馬每匹。紵絲一疋。鈔三百錠。盔甲腰刀。例不給賞。嘉靖六年奏准。折衣綵段并馬價。綵段每疋

折銀三兩以上俱許開市三日

大明會典卷之一百十二

大明會典卷之一百十三

禮部七十一

給賜四

土官

雲南徼外土官進到象馬金銀器皿寶石等件
例不給價其賜例各不同

車里給賜宣慰使錦二段紵絲紗羅各四疋
妻紵絲羅各三疋差來頭目每人紵絲紗羅
各四疋折鈔絹二疋布一疋通事每人綵段
一表裏折鈔絹一疋俱與羅衣一套象奴從
人每人折鈔綿布一疋絹衣一套俱與靴襪

各一雙

木邦給賜宣慰使錦二段紵絲紗羅各三疋。
妻紵絲羅各二疋。差來陶孟每人紵絲紗羅
各三疋。折鈔絹二疋布一疋。招剛每人紵絲
紗羅各二疋。折鈔絹二疋。通事每人綠段一
表裏折鈔絹一疋。俱與羅衣一套。象奴從人
每人折鈔綿布一疋。絹衣一套。俱與靴襪各
一雙

緬甸給賜宣慰使錦二段紵絲紗羅各三疋。
妻紵絲羅各三疋。差來頭目每人紵絲羅各

三疋。紗二疋。鈔六十錠。招剛每人紵絲羅各二疋。紗一疋。鈔四十錠。俱與羅衣一套。通事鈔三十錠。象奴從人每人鈔十五錠。俱與絹衣一套。靴襪各一雙。

老總并八百賜例俱與車里同。但通事羅衣改紵絲衣。

孟養給賜孟養思六及妻與車里同。差來陶孟每人紵絲羅各四疋。紗二疋。折鈔絹二疋。綿布二疋。招剛每人紵絲羅三疋。紗二疋。折鈔絹一疋。綿布一疋。招八每人紵絲紗羅各

一疋。折鈔絹一疋。通事每入紵絲一表裏折鈔絹一疋。各與紵絲衣一套。象奴每人折鈔綿布一疋。絹衣一套。俱與靴襪各一雙。進過馬每匹絹五疋。

孟密給賜女土官及其子安撫俱紵絲紗羅各三疋。安撫妻紵絲羅各二疋。差來頭目陶孟招剛。通事象奴從人賞例與本邦同。

孟璉給賜土官紵絲紗三疋。羅二疋。絹四疋。妻紵絲羅各二疋。差來頭目舍人每人綵段二表裏羅衣一套。通事鈔二十錠。絹衣一套。

從人。每人鈔十五錠。絹衣一套。俱與靴襪各一雙。

孟良給賜土官舍人紵絲紗羅各二疋。差來頭目紵絲羅各二疋。紗一疋。折鈔絹一疋。通事每人折鈔絹一疋。俱與羅衣一套。從人每人折鈔綿布一疋。絹衣一套。俱與靴襪各一雙。

鄧川州賜例與孟璉同。象奴賞與從人同。湖廣廣西四川雲南貴州腹裏土官朝覲進到方物及中途倒死馬匹。例不給價。到京馬匹每

匹賜鈔一百錠其賜各不同

凡三品四品回賜鈔一百錠綵段三表裏惟

州貴州二宣慰使賜五品鈔八十錠綵段三

表裏六品七品鈔六十錠綵段二表裏八品

九品鈔五十錠綵段一表裏雜職衙門并頭

目人等自進馬匹方物鈔四十錠綵段一表

裏弘治十四年。瓊州崖州起送土官。每人賞鈔三十錠。絹二疋。絹衣一套。○差

來通事把事頭目各鈔二十錠綵段一表裏

隨來土官弟男并把事頭目人等鈔二十錠

從人伴吏鈔十錠一補州差來長官鈔四十錠

鈔三十錠。貴川差米舍人。鈔二百五十錠。二表裏。把事十五錠。一表裏。通事十錠。一疋。頭目從人。賞鈔如例。

凡進馬一二匹及方物輕者止照雜職例賞。
嘉靖元年奏准朝覲到京以馬數多寡為差。
進馬一二匹者准一人作差來名色賞鈔二
十錠。綵段一表裏。三四匹者作二人。五六匹
者作三人。綵段鈔錠照數遞加。○二年題准
若所差係土官弟姪兒男進馬四匹以上與
方物重者照舊例。以衙門品級高下為差。其
馬少物輕者照雜職例。若所差係通把頭目

人等照新例。以馬數方物多寡為差。

凡到京過期減半給賞。弘治三年以後正月
內到者亦全賞。二月到者減半。該賞半表裏
者折與闊生絹二疋。○隆慶五年題准過期
半年以上。不給賞。

凡謝恩差來人。與雜職賞同。貴州土官減鈔
二十錠。隨來通把從人。給鈔如朝覲例。

凡慶賀貴州差來舍人。賞鈔五十錠。綵段二
表裏。把事鈔十五錠。綵段一表裏。通事從人
鈔如朝覲例。四川土官差來人進馬者。鈔二

十錠綵段一表裏進降香茶蠟等物者鈔二十錠絹二疋隨來金鈔十錠

給賜番夷通例

凡給賞段絹等物萬曆六年題准各織造去處撫按官痛革剋減冒破奸弊有仍將粗惡不堪之物解進該部科將撫按等官一體查叅其給賜衣服靴襪等件該衙門成造務要精好如有不堪聽禮部具實叅奏重治其留邊給賞肅去人員有將賞物抵換勒捐者督撫官查叅重治至於各夷所得賜物不許於開市之日貨賣或

願折價。禮部題照原價折給。

凡齎發貢夷賞賜。萬曆七年題准。各貢夷慶賀事完。即行頒給賞賜。齎發回還。毋令稽留。久住。致惹事端。○又議准。每夷人到館。該館官先將各夷數目。一體報知戶工衙門。該司一面知會內府衙門。俱各預為整理。賜物候禮部咨文到日。即照數檢點。及回咨掛號。各須上緊定限。半月以裏。通行關領。禮部一面題給。一面知會兵部查發。勘合速令起程。其該邊奏報。并禮部題行各衙門關領日期。即于散賞奏內題知。以便稽

考

凡賜物折價。嘉靖六年議准。女直夷人及番僧
番人。給賜綵段。自願折銀者。織金每疋折給銀
三兩八錢。素者三兩五錢。○隆慶三年議准。西
番貢夷全賞者。禮部照例分別題請頒給。減賞
者。每名給銀三兩。絹二疋。每疋折銀三錢。於本
布政司庫貯銀內支給。○萬曆六年題准。各夷
來京應賞人數。凡折衣折段銀兩。行工部俱給
以見貯銀兩。不必轉行該省。其支茶勘合及在
邊。半賞人數銀兩。禮部先咨巡撫衙門轉行布

政司仍另給夷人為照待到日將夷人領去勘
合與禮部先發咨文對同方准支給其存留在
邊全賞人數銀兩禮部驗封明白亦咨巡撫衙
門與夷人所執公文查對相同給發仍將各項
銀段及食茶數目行都督府填入過關勘合以
便互校差去通事官令守取巡撫回咨備開散
過齋去存留銀段若干支過食茶及半賞銀兩
若干以免誑騙沈匿等弊如咨內數目不合及
無回咨將通事從重叅問

凡貢夷病故在中途者例不給賞萬曆六年題

准各鎮清查病故夷人賞物留充下年給賞之數

凡投降夷人每名賞素紵絲衣一套綿布十疋鈔一百錠米三石牛二隻羊五隻牝五百斤隨來婦人每口綿布三疋鈔十錠

凡入官貨物洪武二十六年定凡遠夷之人或有長行頭匹及諸般物貨不係貢獻之數附帶到京願入官者照依官例具奏關給鈔錠酬其價值○弘治間定凡番國進貢內國王王妃及使臣人等附至貨物以十分為率五分抽分入

官五分給還價值。必以錢鈔相兼。國王王妃錢六分。鈔四分。使臣人等錢四分。鈔六分。又以物折還。如鈔一百貫。銅錢五串。九十五貫折物。以次加增。皆如其數。如奉

旨特免抽分者。不為例。○凡番國進貢船內搜出私貨。照例入官。俱不給價。其奉

旨給與者。不為例。

凡番貨價值。弘治間定回回并番使人等進貢寶石等項。

內府估驗定價例。赤金每兩直鈔五十貫。足色銀

每兩十五貫錫每斤五百文

琉球鐵

每斤三百

文腰刀每把三貫番弓每張二貫番箭每枝一

百文鶴頂每箇一貫玳瑁盒每箇一貫玳瑁盃

每箇一貫珊瑚枝每斤三十貫珊瑚珠每兩二

貫大玻璃瓶碗每箇三貫小玻璃瓶碗每箇二

貫玻璃燈甌每箇二貫粟米珠每兩五貫象牙

每斤五百文

暹羅

翠毛每斤三百文古刺木內

大合一貫小合五百文回回石青每斤一貫烏

爹泥每斤五百文油血石每兩二貫番砂每斤

二百文膽礬每斤二貫安剔牙每斤一貫黃蠟

每斤五百文。雄黃每斤五百文。阿魏每斤二貫。

華荖每斤二貫。沒藥每斤五貫。滿刺加肉荖荖

每斤五百文。暹羅白荖荖荖花每斤五百文。華

澄茄每斤一貫。悶蟲藥每斤二百文。大楓子每

斤一百文。暹羅木鱉子每斤三百文。血竭每斤

一十五貫。龍涎每兩三貫。蘇合油每斤三貫。乳

香每斤五貫。暹羅沈香每斤三貫。速香每斤

二貫。丁香每斤一貫。木香每斤三貫。金銀香每

斤五百文。降真香每斤五百文。暹羅黃熟香每

斤一貫。暹羅安息香每斤五百文。梔子花每斤

一貫。丁皮每斤五百文。二貫羅蘇木每斤五百文。

珠束十貫。烏木每斤五百文。俱四十貫。刺加紫檀

木每斤五百文。胡椒每斤三貫。珠球三十貫。滿

刺加二鹽每斤一百文。藤竭裏裏每斤一貫。夕

牙吸答納每斤五百文。八的阿納每斤四百文。

三額阿刺必每斤五百文。別模刺每斤五百文。

厥枯露每斤二百文。加定每斤五百文。哈都味

思每斤五百文。阿思模達塗兒氣每斤五百文。

蘇麻達每斤二百文。花魏單每條一十貫。大花

手巾每條二貫。小花手巾每條一貫。絲手巾每

條二貫。紅紋節知被。每條五貫。苾布每疋一十
五貫。撒哈刺。每疋一百貫。兜羅布。每段一十貫。
油紅布。每段一貫。五百文。青布。每段一貫。五百
文。花布。每段一貫。暗花打布。每段一貫。沙連布。
每段一貫。青查禮布。每段一貫。加籠宜布。每段
一貫。烏連布。每段一貫。勿那朱布。每段一貫。各
樣麤布。每段一貫。日本國附進刀劬。每把鈔三
貫。內一分與錢。九分支絹。每
鈔一百貫。談絹一疋。其名檀香。每十斤。銀一
兩。折錢七百文。暹羅滿刺加檀香。俱每斤鈔
十貫。暹羅藤黃。每斤鈔十五貫。紫莖。每斤鈔
三十貫。琉球暹羅滿刺加。每鈔二百貫。折絹
一疋。

凡折還物價。弘治間定。各色紵絲每疋折鈔五
百貫。各色綾子每疋三百貫。各色紗每疋三百
貫。各色絹每疋一百貫。青絨毯子每疋六百貫。
駝褐毯子每疋六百貫。青花白瓷盤每箇五百
貫。梅每箇三百貫。瓶每箇五百貫。酒海每箇一
千五百貫。豆青瓷盤每箇一百五十貫。檀每箇
一百貫。瓶每箇一百五十貫。麝香每斤一千五
百貫。樟腦每斤一百貫。良薑每斤二十五貫。大
蔥每斤三十貫。鐵鍋二尺闊面每口一百五十
貫。

歲進

舊例歲進茶芽及木瓜藥材俱從土產去處起解轉送該衙門供用各有定數其後又有川扇及諸時鮮等物

茶芽

各處歲進茶芽弘治十三年奏准俱限穀雨後十日差解赴部送光祿寺交收違限一月以上送問雖有公文不與准理

計茶芽四千斤內一百二十斤南京納直隸五百斤

常州府宜興縣一百斤。內二十斤南京禮部
納限四十六日

廬州府六安州三百斤。限二十五日

廣德州七十五斤。建平縣二十五斤。限四十

六日

浙江五百斤

湖州府長興縣三十斤。南京納

紹興府嵊縣八斤。會稽縣三十二斤。限五十

五日

溫州府永嘉縣一十斤。樂清縣一十斤。限七

十七日

杭州府臨安縣二十斤。富陽縣二十斤。限五

十二日

寧波府慈谿縣二百六十斤。限六十一日

處州府麗水縣一十五斤。縉雲縣六斤。青田

縣六斤。遂昌縣六斤。限七十日

金華府金華等縣共二十二斤。限六十四日

衢州府龍游等縣共二十斤。限六十七日

台州府臨海等縣共一十五斤。限七十一日

嚴州府建德縣五斤。淳安縣四斤。遂安縣三

斤。壽昌縣三斤。桐廬縣二斤。分水縣一斤。

限五十八日

江西四百五十斤

南昌府七十五斤。限六十日

南康府二十五斤。限五十一日

贛州府一十一斤。限八十三日

袁州府一十八斤。限七十九日

臨江府四十七斤。限六十五日

九江府一百二十斤。限五十五日

瑞州府三十斤。限六十四日

建昌府二十三斤。限七十五日。

撫州府二十四斤。限七十三日。

吉安府一十八斤。限七十一日。

廣信府二十二斤。限七十五日。

饒州府二十七斤。限六十一日。

南安府一十斤。限九十日。

湖廣二百斤。內十八斤南京納。

武昌府興國州六十斤。限五十四日。

岳州府臨湘縣十六斤。限七十一日。

寶慶府武崗州二十四斤。邵陽縣二十斤。新

化縣十八斤。限五十九日

長沙府安化縣二十二斤。寧鄉縣二十斤。益陽縣二十斤。限八十一日

福建二千三百五十斤。內五十二斤。南京納建寧府建安縣一千三百六十斤。內探春二十七斤。先春六百四十三斤。次春二百六十二斤。紫笋二百二十七斤。薦新二百一十斤。崇安縣九百九十斤。內探春三十二斤。先春三百八十斤。次春一百五十斤。薦新四百二十八斤。限七十八日

木瓜

直隸寧國府宣城縣歲進木瓜二千三百箇。內上瓜一千八百箇。中瓜五百箇。

藥材

廣西思明府歲進解毒藥五方三十四味。共三十八斤。內錦地羅一味。重二斤。消食藥十味。重十二斤。消毒藥十八味。重十九斤。大衝藥一味。重一斤。塞住藥四味。重四斤。

四川成都府歲進藥材七味。內天雄二十對。附子五十對。川烏三十對。漏藍二十斤。仙茅二

十一斤。補骨脂十五斤。巴豆四斤。

黃魚

浙江嘉興府歲進黃魚三百尾。俱行乍浦河泊所。小滿時節採捕。沿途換冰接救。到京。通政使司投本。尚膳監交收。禮部批迴。

魚鮓

湖廣布政司歲進鱣魚鯉魚鮓各四桶。糟鮓魚鰯魚各四桶。醬子鮓一十二桶。乾鯉魚五十斤。鱣魚筋并面肉四十把。鱣魚肚四十箇。并代鎮守衙門原進鱣魚鯉魚鮓各十桶。醬

子鮓二十桶俱行武漢黃岳常沔六府州造辦
咨呈禮部轉送光祿寺交收禮部批廻

川扇

四川布政司造撫臣奏進歲例扇一萬一千五
百四十把嘉靖三十年加造備用扇二千一百
把四十三年又加造小式細巧扇八百把共一
萬四千四百四十把初起鎮守中官後以為常
又

蜀王府別有奏進

大明會典卷之一百十三

大明會典卷之一百十四

禮部七十二

精膳清吏司

郎中員外郎主事掌宴享牲豆酒膳之事會其品數程其出納

膳羞

舊制凡大筵宴膳司提調光祿寺官供辦其待諸番茶飯及下程膳司自行辦送後革主事廳一應皆屬光祿寺禮部止行文照會以其事皆禮部掌行故列於此

洪武二十六年定凡遇正旦

聖節冬至或吉慶筵宴所用諸品膳羞酒醴並須提
調光祿寺供辦。若管待諸番國朝貢等使客并
外國來降土官人等茶飯物料禮部自行備辦。
其宴之日赴會同館管待。令教坊司供應。若奉
旨管待之人俱於本部筵宴正官主席。○一土官使
客至會同館除糶米鋪陳本館應付外。本部照
依正從名數每五日一次支送下程。○一管待
物料先期一日本部割委膳部照依時價收買。
仍令物戶親齋赴部對物給價。其合用羊隻王
事廳具手本赴光祿寺關領原編羊隻字號勘

合於司牧局照號關取造辦管待畢日仍回呈
本部開具買過物件同支過價鈔數目主事廳
回呈關過羊隻字號毛色斤重本部判送立案
通類開銷○一頁辦管待物料鈔貫若支銷盡
絕本部照例具奏依數關領鈔錠回部收貯在
庫聽候買辦如支銷已盡依上關用

進宴

賜酒飯

郊祀慶成

永樂二年上卓按酒五般果子五般茶食五般
燒煤五般湯三品雙下饅頭馬肉飯酒五鍾中

卓按酒四般。果子四般。湯三品。雙下饅頭。馬猪
羊肉飯。酒五鍾。隨駕將軍按酒一般。粉湯。雙下
饅頭。猪肉飯。酒一鍾。金鎗甲士象奴校尉。雙下
饅頭。教坊司樂人按酒一般。粉湯。雙下饅頭。酒
一鍾。○天順元年。上卓實粧茶食。嚮糖纏碗八
箇。棒子骨二塊。大銀錠油酥八箇。花頭二箇。鳳
鴨一隻。菜四色。按酒五般。湯三品。小銀錠笑靨
二樸。鴛鴦飯二塊。大饅頭一分。果子五般。黑白
餅一樸。鮓一樸。每人酒五鍾。上中卓實粧茶食。
嚮糖纏碗八箇。棒子骨二塊。大銀錠油酥八箇。

花頭二箇。甘露餅四箇。菜四色。按酒五般。小銀
錠笑靨二樸。湯三品。鴛鴦飯二塊。大饅頭二分。
果子五般。每人酒五鍾。中卓寶粧茶食。雲子酥
葉二樸。甘露餅四箇。大銀錠油酥八箇。燂魚二
塊。小銀錠笑靨二樸。果子按酒各五般。菜四色。
花頭二箇。湯三品。鴛鴦飯二塊。大饅頭四分。每
人酒五鍾。下卓寶粧茶食。大銀錠油酥八箇。燂
魚二塊。果子四般。按酒四般。菜四色。湯三品。馬
肉飯二塊。大饅頭二分。每人酒五鍾。○隆慶四
年題准領宴規則。殿內將軍。每名豬肉二斤。白

麪一斤。酒三鍾。樂舞生每名猪肉一斤。羊肉一斤。白麪一斤。酒三鍾。教坊司樂工每名猪肉四兩。白米八合。酒三鍾。其殿外將軍金鎗甲士旗校等行禮科查給鈔錠。

聖節

永樂十三年。上卓。按酒五般。果子五般。茶食。燒燂鳳雞。雙棒子骨。大銀錠。大油餅。湯三品。雙下鰻頭。馬肉飯。酒五鍾。上中卓。按酒四般。果子四般。燒燂。銀錠。油餅。雙棒子骨。湯三品。雙下鰻頭。馬肉飯。酒三鍾。中卓。按酒四般。果子四般。燒燂。

茶食湯二品。雙下饅頭。羊肉飯。酒三鍾。僧官等
用素卓。按酒五般。果子。茶食。燒燂。湯三品。雙下
饅頭。蜂糖糕飯。將軍。按酒一般。壽筵。雙下饅頭。
馬肉飯。酒一鍾。金鎗甲士。象奴。校尉。雙下饅頭。
酒一鍾。教坊司樂人。按酒一般。粉湯。雙下饅頭。
酒一鍾。給俵內官內使。上卓。按酒五般。果子。湯
二品。小饅頭。酒三鍾。中卓。按酒四般。果子。湯二
品。小饅頭。

正旦節

永樂間。上卓。茶食。像生小花。果子五般。燒燂五

般鳳雞。雙棒子骨。大銀錠。大油餅。按酒五般。菜
四色。湯三品。簇二大饅頭。馬牛羊胙肉飯。酒五
鍾。上中卓茶食像生小花。果子五般。按酒五般。
菜四色。湯三品。簇二大饅頭。馬牛羊胙肉飯。酒
五鍾。中卓果子五般。按酒四般。菜四色。湯二品。
簇二饅頭。馬猪牛羊胙肉飯。酒三鍾。隨駕將軍
按酒。細粉湯。椒醋肉升頭蹄。簇二饅頭。猪肉飯。
酒一鍾。金鎗甲士象奴校尉。下饅頭。教坊司
樂人。按酒。燒牛肉。雙下饅頭。細粉湯。酒一鍾。

冬至節

永樂間。上卓。按酒五般。果子五般。茶食。湯三品。
雙下饅頭。馬羊肉飯。酒五鍾。中卓。按酒四般。果
子四般。茶食。湯三品。雙下饅頭。酒五鍾。將軍。按
酒一般。雙下饅頭。粉湯。酒一鍾。金鎗甲士象奴
校尉。雙下饅頭。教坊司樂人。按酒一般。雙下饅
頭。粉湯。酒一鍾。

皇太后聖旦節

皇后令旦節

正統間。上卓。按酒四般。菜四色。點心一碟。壽筵
一椀。酒三鍾。中合卓同。壽筵二椀。酒六鍾。

東宮千秋節

宣德間。上卓按酒四般。菜四色。點心一樑。壽麵一椀。酒三鍾。中合卓按酒五般。菜四色。壽麵二椀。酒六鍾。

立春節

永樂間。上卓按酒四般。春餅一樑。菜四色。湯一椀。酒三鍾。中合卓按酒四般。春餅二樑。菜四色。湯二椀。酒六鍾。

元宵節

永樂間。上卓按酒四般。果子。茶食。小饅頭。菜四

色粉湯圓子一椀。酒三鍾。中合卓按酒四般果子。茶食。小饅頭菜四色。粉湯圓子二椀。酒六鍾。

四月八節

嘉靖十四年改用四月五日

永樂間上卓按酒二般。不落莢一椀。涼糕一椀。小點心一椀。菜四色。湯一椀。酒三鍾。中合卓按酒二般。不落莢一椀。涼糕一椀。小點心一椀。菜四色。湯二椀。酒六鍾。嘉靖十四年改用不落莢為

端午節

永樂間上卓按酒五般。果子。小饅頭湯三品。糕一椀。粽子一椀。菜四色。酒五鍾。中卓按酒四般。

果子。小饅頭。湯三品。糕一碟。粽子一碟。菜四色。
酒五鍾。教坊司樂人。按酒一般。湯飯酒一鍾。

重陽節

永樂間。上卓。按酒二般。糕二碟。小點心一碟。菜
四色。湯一椀。酒三鍾。中合卓。按酒二般。小點心
一碟。糕二碟。菜四色。湯一椀。酒六鍾。

臘八節

永樂間。上卓。按酒四般。菜四色。臘麪一椀。酒三
鍾。中合卓。按酒四般。菜四色。臘麪二椀。酒六鍾。

祭太廟享胙

永樂元年。上卓。按酒五般。果子五般。小饅頭。粉湯。酒三鍾。中卓。按酒四般。果子四般。小饅頭。粉湯。酒四鍾。

祭社稷享胙

永樂二年。上卓。按酒五般。果子五般。茶食五般。湯三品。雙下饅頭。馬猪羊肉飯。酒五鍾。中卓。按酒四般。果子四般。湯三品。雙下饅頭。猪肉飯。酒五鍾。

祭先農享胙

永樂元年。上卓。按酒四般。簇四小饅頭。粉湯。酒

六鍾

大祀 園丘文武百官湯飯

嘉靖間定。上卓按酒四般。點心一碟。湯飯一分。
小菜四色。中合卓按酒四般。點心一碟。湯飯二
分。小菜四色。

孟春祈穀夏至 方澤春分 朝日秋
分 夕月祭畢內外官酒飯

嘉靖間定。上卓按酒四般。小饅頭一碟。湯飯一
分。酒五鍾。中合卓按酒饅頭同。湯飯二分。酒十
鍾。遇遣官代祭免辦。

耕藉三公九卿執事等官酒飯

嘉靖間定。上卓按酒四般。小饅頭一朶。湯飯一分。酒三鍾。中合卓按酒四般。小饅頭一朶。湯飯二分。酒六鍾。樂舞生下合卓。與中合卓同。但減猪肉二斤。耆老及樂人各領酸麻湯一碗。饅頭一朶。肉一朶。

蠶壇酒飯

嘉靖間定。夫人秀才每卓按酒五般。點心二朶。添換燒割全。湯三品。菜四色。飯一分。酒三鍾。內女樂并外蠶母合卓。每卓按酒四般。點心一朶。

添換燒割全。菜四色。每人湯三品。飯一分。酒三鍾。命婦中卓。每卓按酒四般。點心一櫟。湯三品。菜四色。飯一分。酒三鍾。○九年奏准。壇內係禁密處。所光祿寺廚役。難以造辦。令尚膳監管理祇待。

駕幸太學筵宴

弘治元年。上卓按酒五般。果子五般。大銀錠。大油酥。寶粧鳳鴨。小點心。棒子骨。湯三品。菜四色。大饅頭。羊背皮。酒五鍾。中卓按酒五般。果子五般。茶食五般。燒魚。小點心。湯三品。菜四色。大饅

頭羊脚子飯酒五鍾

成化間免。改禮部待宴。嘉靖於禮部止宴三代子孫。

及祭酒等官

進士恩祭宴

永樂十三年上卓按酒燒煤四般寶粧茶食果子五般軟按酒五般菜四色湯三品雙下大饅頭羊肉飯酒五鍾上中卓按酒燒煤四般寶粧茶食果子四般軟按酒四般菜四色湯三品雙下饅頭羊肉飯酒五鍾○天順元年每卓煤魚大銀錠堆花雙棒子骨寶粧雲子麻葉甘露餅大油餅鳳雞燻猪肉燻羊肉小銀錠笑靨兒椒

醋猪肉。椒末牛馬。椒醋雞并魚。湯三品。果子五般。小饅頭。雙下大饅頭。牛羊肉飯。酒五鍾。○弘治三年。上卓按酒五般。果子五般。寶粧茶食五般。鳳鴨一隻。小饅頭一樸。小銀錠笑靨二樸。棒子骨二塊。羊背皮一箇。花頭二箇。湯五品。菜四色。大饅頭一分。添換羊肉一樸。酒七鍾。上中卓。按酒果子寶粧茶食各五般。鳳鴨一隻。小饅頭一樸。小銀錠笑靨二樸。煤魚二樸。羊脚子飯二塊。花頭二箇。湯五品。菜四色。大饅頭二分。添換羊肉一樸。酒七鍾。中卓按酒果子茶食各五般。

甘露餅一碟。小饅頭一碟。小銀錠笑靨二碟。燂魚二碟。牛肉飯二塊。花頭二箇。湯三品。菜四色。大饅頭二分。添換羊肉一碟。酒七鍾。

纂修宴

武舉宴

二宴俱與恩榮宴同。但無中卓。

經筵酒飯

每卓。細茶食四碟。餛飩子一碟。果子五碟。按酒五般。點心一碟。橫菜一碟。湯三品。菜四色。飯一分。酒六鍾。

日講酒飯

每卓按酒五般。湯三品。菜四色。飯一分。酒五鍾。
隨卓酒一瓶。

殿試酒飯

每卓茶食五樣。果子五樣。按酒五般。點心一碟。
湯二品。飯一分。菜四色。酒五鍾。進士每名饅頭
二箇。湯一碗。禮部晚宴并早粥。用鹿一隻。猪二
口。羊三隻。鷄十二隻。燒猪肉八十斤。粳米三斗。
大熏三腿。雞彈一百箇。豆腐五十連。煮粥猪肉
五斤。油醋各二瓶。醬六斤。鹽十斤。細粉五十斤。
花椒十兩。七錢。胡椒五兩。香薷麻菇各五兩。香

油六斤。酒九十瓶。

文華殿讀卷官宴

每卓茶食五樣。果子五樣。按酒五般。點心二樣。湯三品。添換猪羊肉各五斤。雞肉二斤半。燒割猪羊肉各二斤。鷄一斤。菜四色。酒二瓶。

吏部兵部選官酒飯

每卓按酒五般。小點心一樣。蒸饅一盤。飯一分。湯三品。兵部只二品酒三鍾。吏部加午飯一頓。

朝貢見辭酒飯

上卓茶食五般。按酒五般。果子五般。湯飯一分。

酒三鍾中卓茶食按酒果子各四般湯飯一分
酒三鍾

管待番夷土官筵宴

凡諸番國及四夷使臣土官人等進貢例有

欽賜筵宴一次二次禮部預開筵宴日期奏請大臣

一員待宴及行光祿寺備辦於會同館管待教

坊司用樂鴻臚寺令通事及鳴贊供事儀制司

領宴花人一枝若使臣數多分二日宴如遇禁

屠齋戒移後三四日舉行回還之日差官伴送

沿途備辦飯食經過去處茶飯管待各有次數

許鎮守總兵或三司或府衛正官二三員陪席
朝鮮國筵宴二次。宣德三年使臣回還。薊州永
平府茶飯管待。

占城國琉球國爪哇國暹羅國各筵宴二次。使
臣回還至廣東布政司茶飯管待一次。

哈密筵宴二次。使臣回還至良鄉湯飯。陝西布
政司茶飯管待一次。

瓦剌筵宴二次。正統間使臣進貢至大同茶飯
管待一次。回還良鄉湯飯。至真定府陝西布政
司甘肅各茶飯管待。

亦力把力筵宴二次。正統間使臣回還至真定府陝西布政司甘肅各茶飯管待。○今例至良鄉湯飯陝西布政司管待一次。

撒馬兒罕筵宴二次。永樂間使臣回還至甘肅管待一次。○正統十二年使臣數少。甘肅管待多則陝西布政司管待。甘肅止送下程。○今例至良鄉湯飯陝西布政司管待一次。

魯迷嘉靖五年奏准筵宴二次。

黑葉筵宴二次。宣德七年使臣朝貢至潼關陝西甘肅管待。

土魯番筵宴二次。使臣回至良鄉湯飯。陝西布政司管待一次。

滿刺加國筵宴二次。使臣回至廣東布政司管待一次。○永樂間使臣回經過府州管待。○正統間濟寧江西布政司廣東布政司管待。○宣德八年國王朝貢廣東布政司并南雄贛州臨江淮安濟寧各府州茶飯管待。至通州令行在光祿寺辦送茶飯接待。

日本國筵宴二次。使臣回還至寧波府管待一次。○宣德間使臣至通州湯飯。令行在光祿寺

辦送至濟寧州浙江布政司并寧波府茶餉管待

錫蘭山國筵宴二次使臣回至廣東布政司管待一次

安南國女直朵顏三衛雲南土官烏思嚴等處刺麻番僧宰東衛養獅豹回回爇燭地面坤城地面日落國安定王阿端地面長河西朵甘思董卜韓胡金川寺雜谷安撫司打喇兒寨達思蠻長官司松潘茂州洮岷等處番僧各筵宴一次嘉靖二十二年題准安南都統使司差來人

員不賜宴○四十三年復題准照例筵宴

火州。淳泥國。乞力麻兒。阿速地面。八答黑商忽。
魯謨斯國。乞兒蠻米兒哈蘭甘把里國。柯枝國。
白松虎兒古里國。答兒密那姑兒南。字里永樂。
間筵宴一次。

阿丹國。左法兒國。天方國。加異勒國。黑葛達國。
哈失哈力。宣德間筵宴一次○今例天方國加
宴一次。

戎地面。哈刺孩衛。曲先衛。札加思蘭。買買回回。
鎖魯丹。正統間筵宴一次。

赤斤蒙古衛天順間筵宴一次

蘇門答刺筵宴一次使臣回至廣東布政司管待一次

榜葛刺國筵宴一次使臣回經過府州茶飯管待

以必洗必兒筵宴一次使臣回至大同茶飯管待一次

失刺思亦思把罕柳陳城永樂間筵宴一次使臣回經過府衛茶飯管待

納失者罕王永樂間筵宴一次使臣回至保定

真定彰德衛輝懷慶河南各府潼關衛陝西布政司平涼府甘肅茶飯管待

米昔兒永樂間筵宴一次使臣回至良鄉湯飯甘肅管待一次

馬哈麻王永樂間筵宴一次使臣進貢經過有司茶飯管待○天順四年陝西布政司茶飯管待一次

兀良哈宣德間使臣朝貢沿途茶飯接待哈烈筵宴一次永樂間使臣朝貢經過府衛茶飯管待至涿州良鄉令光祿寺辦送茶飯接待

回還自良鄉抵陝西布政司經過府州茶飯管待

火刺扎永樂十四年使臣進貢經過府衛州縣管待

蘇祿國永樂十五年筵宴一次國王來朝經過府衛茶飯管待回還亦如之

真臘國景泰間筵宴一次使臣回還廣東布政司管待一次

沙州衛正統間筵宴一次使臣回還至良鄉湯飯甘肅管待一次

尚師法王永樂間尚師法王來朝經過府分茶飯管待回還亦如之

可脫札永樂間使臣進貢經過府分茶飯管待至良鄉令光祿寺辦送茶飯接待

討來思宣德六年使臣回至真定府陝西布政司甘肅茶飯管待

迤北。正統間筵宴二次○弘治元年使臣進貢至大同茶飯管待榆河驛湯飯回還至大同茶飯管待

筵宴番夷土官卓面

洪武二十六年每正一卓。果子五色。按酒五色。湯三品。小割正飯用羊。○永樂元年。上卓按酒五般。果子五般。燒燂五般。茶食。湯三品。雙下大饅頭。羊肉飯。酒七鍾。中卓按酒果子各四般。湯二品。雙下饅頭。牛馬羊肉飯。酒五鍾。○天順元年。上卓。高頂茶食。雲子麻葉。大銀錠油酥八箇。棒子骨二塊。鳳鷄一隻。小銀錠笑靨二樸。茶食果子按酒各五般。米糕二樸。小饅頭三樸。菜四色。花頭二箇。湯三品。大饅頭一分。羊背皮一箇。添換小饅頭一樸。按酒一般。茶食一樸。酒七鍾。

中卓。寶粧茶食。雲子麻葉二樸。甘露餅四箇。鮮魚二塊。大銀錠油酥八箇。小銀錠笑靨二樸。果子按酒各五般。菜四色。花頭二箇。湯三品。馬肉飯一塊。大饅頭一分。添換小饅頭一樸。羊肉一樸。茶食一樸。酒七鍾。下卓。寶粧茶食。大銀錠油酥八箇。燂魚二尾。果子按酒各四般。菜四色。湯三品。馬肉飯二塊。大饅頭二分。酒七鍾。○弘治十年。令會同館宴待夷人。禮部屬官一員。光祿寺正官一員。巡看務要卓面豐腴。酒味真正。宴畢。待宴大臣宣布。

朝廷優待至意。回還之後。各守恭順。管束部落。毋得生事擾邊。自取滅亡。○十七年。女直都指揮四員赴京。以人少難請待宴。官員奏准領宴。

番夷人等朔望朝及見驛酒飯

上卓。按酒用牛羊等肉共五牒。每牒生肉一斤八兩。茶食五牒。每牒一斤。果五牒。核桃紅棗榛子每牒一斤。膠棗柿餅每牒一斤八兩。中卓。按酒用羊牛肉四牒。每牒生肉一斤。茶食四牒。每牒十兩。果四牒。核桃榛子紅棗每牒十兩。膠棗十二兩。酒三鍾。湯飯各一碗。○成化十一年。通

壯使臣朝見。令中卓按酒每碟加四兩。茶食每
碟加二兩。果品內核桃榛子紅棗各加二兩。膠
棗一碟加四兩。餘同常例。

番夷人等領宴

嘉靖二十八年。建州左等衛女直都指揮僉事
并烏思藏朶甘思宣慰使司國師番僧進貢。值
皇太子喪。題准領宴。○隆慶元年。朝鮮國差陪臣
謝

恩加渴瓦寺達思蠻長官司法歲等六寺番僧各進
貢到京。值

世宗皇帝喪俱免宴禮部行遼東都司并各該布政
司候其回還各照宴例管待令總兵等官待宴